

Komisija za nabavku radova: Izvođenje molersko farbarskih radova u objektima Centra pošta Sarajevo

GENERALNA DIREKCIJA

Broj: 07.4-11-9-4116-25/20
Datum, 13.08.2020. godine**GENERALNI DIREKTOR****PREDMET:** Zapisnik Komisije nakon rješenja URŽ-a br. JN2-03-07-1-1510-7/20 od 23.07.2020.godine

Dana 09.06.2020.godine, putem pošte zaprimljena je žalba ponuđača „NEIMAR“ d.o.o. Sarajevo, koga zastupa advokat Fejzić Ahmed, na Odluku o izboru drugorangiranog ponuđača, broj U.D.01.04-7316/20 od 03.06.2020.godine i Odluku o izboru najpovoljnijeg ponuđača, broj: U.D.01.04-6787/20, od 20.05.2020. godine.

Ugovorni organ je postupajući po uloženoj žalbi donio Rješenje br.01—11-9-4116-21/20 SL od 12.06.2020.godine kojom predmetnu žalbu djelimično usvaja.

U ostavljenom roku, ponuđač „NEIMAR“ d.o.o. Sarajevo, koga zastupa advokat Fejzić Ahmed, je protiv Rješenja br.01—11-9-4116-21/20 SL od 12.06.2020.godine uložio žalbu koju Ugovorni organ, uz izjašnjenje i cjelokupnom dokumentacijom, prosljeđuje Uredu za razmatranje žalbi dana 20.06.2020.godine.

Ured za razmatranje žalbi donosi rješenje br. JN2-03-07-1-1510-7/20 od 23.07.2020.godine koje je kod Ugovornog zaprimljena 30.07.2020.godine pod brojem 07.4-11-6-4116-12/20 kojim usvaja žalbu žalitelja „NEIMAR“ d.o.o. Sarajevo te poništava Rješenje br.01—11-9-4116-21/20 SL od 12.06.2020.godine i **predmet vraća ugovornom organu na ponovni postupak.**

Shodno navedenom, u ponovnom postupku/analizi izjavljene žalbe na Odluku o izboru drugorangiranog ponuđača, broj U.D.01.04-7316/20 od 03.06.2020.godine i Odluku o izboru najpovoljnijeg ponuđača, broj: U.D.01.04-6787/20, od 20.05.2020. godine, Ugovorni organ je utvrdio da je ista blagovremena, dopuštena, izjavljena od ovlaštenog lica ali **djelomično osnovana.**

Naime, Ugovorni organ je dana 21.05.2020.godine putem naznačenog načina komunikacije u TD, e-maila, dostavio odluku o izboru najpovoljnijeg ponuđača, broj: U.D.01.04-6787/20, od 20.05.2020. godine, koji se nalazi u prilogu ove odluke. Na istu do roka predviđenog za izjavljivanje žalbe, tj. do 26.05.2020. godine se niko od ponuđača nije žalio. Ovom Odlukom je kao najpovoljniji ponuđač odabran „NEIMAR“ d.o.o. Sarajevo. Obzirom da izabrani ponuđač Neimar doo Sarajevo nije u zakonom propisanom roku (5 dana od dana dostavljanja Odluke) izjavio žalbu na Odluku o izboru najpovoljnijeg ponuđača, broj: U.D.01.04-6787/20, od 20.05.2020. godine koja mu je, kako i sam u svojoj žalbi navodi, putem e-mail-a dostavljena 21.05.2020.godine žalbene navode da je ugovorni organ postupio suprotno članu 71. Zakona o javnim nabavkama a vezano za Odluku o izboru najpovoljnijeg ponuđača, broj: U.D.01.04-6787/20, od 20.05.2020. godine **smatramo apsolutno neosnovanim.** Naime, izabrani ponuđač je propustio ispitati zakonitost donešene odluke a sve u skladu sa članom 101 stav 6) Zakona o javnim nabavkama.

Žalbeni navod da je ugovorni organ postupio suprotno članu 71. Zakona o javnim nabavkama u kojem je Ugovorni organ propustio uz odluku o izboru drugorangiranog ponuđača, broj: U.D.01.04-7316/20 od 03.06.2020.godine dostaviti i zapisnik o analizi i ocjeni ponuda iz člana 65., stav (2) zakona o javnim nabavkama a u vezi sa članom 71., stav (2) **smatramo osnovanim.** U skladu sa navedenim, Ugovorni organ ovom odlukom poništava Odluku o izboru drugorangiranog ponuđača broj: U.D. 01.04-7316/20 od 03.06.2020. godine.

U sljedećem žalbenom navodu se navodi da je peti dan od prijema Odluke o izboru najpovoljnijeg ponuđača 26.5.2020. godine na protokol Ugovornog organa ponuđač „NEIMAR“ d.o.o. blagovremeno predao sva uvjerenja (četiri dokumenta) iz člana 45. Zakona osim uvjerenja koje izdaje Sud BiH. **Ovaj žalbeni navod Ugovorni organ cijeni neosnovanim.**

